

պարփակուում էին, եւ միլիցիոներները, ա-
տըրճանակները ձեռքերին, ընկնում էին ամէն
մէկի յետեւից, ով արտաքուստ հայի էր նմա-
նում: Հայերին հարիւրներով հաւաքում էին,
խմբերի բաժնում, եւ տեղն ու տեղը, հէնց փո-
ղոցում հարցուփորձ անում, թէ ձերբակալ-
ուածներից ո՛վ ի՛նչքան կարող է վճարել: Ու-
նեւորներից խում էին վրայի ամբողջ դրամը
եւ արձակում, իսկ մնացածներին ծաղրանքով
ու փողոցային հայհոյանքներով ուղարկում
Մեատիտի բերդը (ուր գտնուում է Թիֆլիսի գըլ-
խաւոք բանոք): Այդ օրը ձերբակալեցին մօտ
6000 հայ... Ձերբակալուածների թւումն էր եւ
ճարտարապետ Լեւոն Պատիսեանը, Ալեքսան-
դրը Պատիսեանի եղբայրը, որին ուղարկել է-
ին Ներսիսեան դպրոց: Նա եւ ուրիշ 9 հոգի ա-
զատուեցին վճարելով Լ. Պատիսեանի միջո-
ցով 50-ազան բուրլի իւրաքանչիւրի համար,
ընդամէնը 500 բուրլի: Ձերբակալուած են
(Թիֆլիսի) քաղաքային խորհրդի Դանակցա-
կան Փրակցիայի բոլոր անդամները: Ձերբա-
կալուած են շատ հասարակական գործիչներ,
որոնց թւում եւ Յովսէփ Պունունցը. (Ներսիս-
եան դպրոցի տեսուչ), որին յաջորդ օրը բաց
թողին:

«Սրա հետ միասին ձեռնարկուած է հայ-
կական ստացուածքի բռնագրաւմանը... Կա-
ռավարութիւնը արգելք է դրել հայերին պատ-
կանող գրեթէ բոլոր ստեւտրա-արգիւնարեբա-
կան ձեռնարկներին, ընթացիկ հաշիւների եւ
սէյֆերի վրայ: Այժմ պատրաստուում է մի օ-
րինագիծ՝ հայերի ստացուածքը բռնագրաւե-
լու համար, որ, ինչպէս յայտնի է, թէ՛ աղ-
քայնական եւ թէ՛ սոցիալ դեմոկրատ կուսակ-
ցութիւնների վաղուցուայ երազն է հանդիսա-
նում: Այդ նկատումով, պարլամենտը շտապո-
ղական կարգով օրէնք հանեց, որով արգելուում
է անշարժ կալուածքների առուծախը քաղաք-
ներում...»

«Կանանց Բարձրագոյն դպրոցը, որ դեռ
ազգայնացուած (վրացիացուած) չէ, հրաման
ստացաւ այս օրերս ժողովրդական Լուսաւո-
րութեան Մինիստրութիւնից, որ իր քեմիա-
կան լաբորատուարի ամբողջ գոյքը անյապաղ
յանձնէ վրացի պրոֆեսոր Մեյիթովին: Լաբա-
րատուարի ղեկավարներն են մի ուսու պրոֆե-

սոր եւ երկու հայ պրեկատ-դոցենտներ՝ Պ.
Ղամբարեան եւ Պ. Քալանթարեան: Վերջին-
ներս, նկատելով այդ պահանջը ապօրէն եւ վի-
բաւորական իրենց համար՝ մերժում են յանձ-
նել գոյքերը Մեյիթովին, որովհետեւ իրենք,
իրրեւ դիտութեան մարդիկ, միշտ անձնապէս
հեռու են եղել ամէն մի քաղաքականութիւնից:
Մեյիթովը հաղորդում է այս մասին իր իշխա-
նութեանը: Հետեւանքը եղաւ այն, որ յիշեալ
երկու հայ դոցենտներին՝ Ղամբարեանին եւ
Քալանթարեանին՝ ձերբակալեցին իրրեւ ուղ-
մագերիներ եւ ուղարկեցին ներքին Օրթաճա-
լայի բանտը: Բանտում տեղաւորում են նրանց
ոճբագործ թիպարտների նկուղի մէջ: Թիա-
պարտներն իմանալով, որ նորիկները «զաւա-
ճան հայեր են», յարձակուում են նրանց վրայ,
կողոպտում վրայի ունեցած-չունեցածը, ինչ-
պէս հարկն է, եւ ապա ստիպում, որ «զաւա-
ճանները» հանուին եւ ազամային մերկու-
թեամբ, բանտարկեալների երգ ու սուլոցով,
պարեն նախ նկուղում, ապա նաեւ միջանց-
քում... Յիշեալ դոցենտների բանտարկութեան
ընթացքին, թիպարտները նոյն ծէսին են-
թարկում էին բոլոր հայերին, որոնց թւում եւ
երկու հայ քահանայի. մէկը 70-ամեայ մի ծե-
րունի, իսկ միւսը Քամոյեան եկեղեցու ծխա-
տէր Յովսէփ քահ. Տէր Պետրոսեանը, որոնց
նոյնպէս ստիպում էին մերկանդամ պարել թի-
պարտների երգ ու սուլոցով»...

Այս ամէնը տեղի է ունենում Թիֆլիսում,
հայ-վրացական պատերազմից յետոյ: Թէ ի՛նչ
էր կատարուում այդ օրերին դուրսը, դաւառ-
ներում, դեռ եւս չգիտէին ոչ Վիբահայոց Աղ-
քային Պոլկոնուրը եւ ոչ էլ մեր Տեղեկատու
Իւրօն, որովհետեւ, ինչպէս վերջինս ակնար-
կում է իր հաղորդագրութեան մէջ՝ Թիֆլիսի
հայերը կտրուած էին դաւառներից եւ «հայե-
րին խտտիւ արգելուած էր երկաթուղով երթե-
ւեկութիւն կատարել»:

Սակայն, այն, ինչ որ այդ օրերին յայտ-
նի չէր, յայտնի դարձաւ մի քանի շաբաթ անց,
երբ երթեւեկը վերսկսուեց, եւ Թիֆլիսի մա-
մուլը հնարաւորութիւն ստացաւ արձագանգ
տալու մթութեան մէջ կատարուած դէպքե-
րին: Իսկ դէպքերը ուղղակի զարհուրելի էին:
Թիֆլիսի շրջակայ գիւղերը՝ Դաղեթ-Սաչէն,